



# Gravidês y Vasina kóntra COVID-19

## Perguntas Frikuenti

Bu sta grávida ô bu kre ten fidju na futuru?  
Bu pode tene perguntas sobri vasina kóntra COVID-19.

Vasina kóntra COVID-19 é siguru pa pesoas grávida?

Txeu algen dja engravida y dja tivi bebê saudável dipos ki es resebe vasina kóntra COVID-19. Ka ten ninhun ividénsia ma vasina ta kauza abortu spontâniu nen prublémas di fertilidadi na mudjer ô na ómi. Vasina inda sta ta studadu na pesoas grávida. Má kel ki spesialistas dja sabe ta trankiliza algen.

Pamódi ki N debe toma un vasina kóntra COVID-19 si N sta grávida?

Pesoas grávida ten más probabilidadi di fika gravimenti duenti ku COVID-19, konparadu ku pesoas ki ka sta grávida. Pesoas grávida ku COVID-19 tanbe ten maior risku di konplikason na gravidês, inkluindu pa ses bebê nase sédu dimás. Toma vasina kóntra COVID-19 é midjor manera di pruteje bu kabesa y bu bebê.

Y si N kre engravida na futuru?

Spesialistas ta rikumenda fórtimenti vasina kóntra COVID-19 pa pesoas ki sta grávida, ki sta ta da mama, ki sta ta tenta engravida gósi, ô ki pode engravida na futuru.

Undi ki N debe bai si N tene más pergunta?

É normal tene pergunta. Fala ku prufisional di saúdi pa dá-bu kes informason konfiável ki bu meste pa toma disizon sérta pa bo.



Sabe más na  
[mass.gov/CovidVaccineFacts](https://mass.gov/CovidVaccineFacts)

